

ցին, որպէս մեծարեալ պատուէին զնա սրգիքն Խորայէլի, եւ ոչ շինեցին եկեղեցի 'ի վերայ նորա, ըստ բանի Տեառն. « Ահա թողեալ լիցին ձեզ տունդ ձեր աւերակ, և թէ ոչ մնացէ սյգր քար 'ի քարի վերայ՝ որ ոչ քակտեսցի »: Եւ Սոփրոնիոս առեալ զձեռանէ Օմարայ կացոյց զնա 'ի վերայ աղբիւսին, եւ նորա առեալ քուրձ ելից 'ի հողոյ եւ թափեաց 'ի ձորն Գեհնի: Եւ հայեցեալ այլազգեաց յ'շխանն իւրեանց՝ աճապարեցին եւ նոքա բառնալ զհողն այր իւրաքանչիւր յուս իւր, 'ի հանդերձս և 'ի վահանս և 'ի զամբիւղս, մինչեւ մաքրեցին զտեղին զայն, եւ յայտնեցաւ վէմն, որ կոչի Սախրայ, և ասացին ոմանք թէ շինեսցուք մզկիթ և արասցուք ըզվէմն 'ի Գողէ, եւ ասէ Օմար ոչ, այլ շինեսցուք մզկիթ և արասցուք զվէմն 'ի վերջն մզկիթին: Յեա այնորիկ չուքաւ Օմար 'ի Բեթղեհէմ տեսանել զնա, և եկաց յաղօթս 'ի ներքս եկեղեցոյն, և գրեաց յետևար և ետ ցՊատրիարքն, թէ ոչ ոք 'ի Տաճկաց յայտմ տեղւոյ կացցէ յաղօթըս, բայց եթէ այր զինի առն, և ոչ ժողովեսցեն աստանօր համախումբ յաղօթս, և մի՛ կարդասցեն Եղան 'ի սմա, եւ մի՛ այլայլեսցեն զիրս ինչ 'ի շինուածոց սորին: Բայց այլազգիքն սրք եկին զինի Օմարայ, զհակառակն յետևարի նորին գործեցին ըստ հաճոյից իւրեանց 'ի Բեթղեհէմ, քանզի կորցեցին զմիւսիօնսն, եւ գրեցին 'ի նմա զոր ինչ և կամեցան, և Եղան կարդացին:

Տուեալ է Օմար եւ զաշնագիրս կրօնաւորացն Հայոց եղելոց յերուսաղէմ 'ի ժամանակին յայնմիկ 'ի 10 թուականի Հիճրէթին (636), յորում տկանէ յանուանէ հաստատէ զամենայն վանօրայս Հայոց, թէ 'ի ներքս 'ի քաղաքին և թէ արտաքոյ նորին, մինչեւ 'ի Սամարիա, ուր էր վանք Հայոց, և զբաժին ժառանգութեան Ս. Տեղեաց, զԳողգոթա տեղի Խաչելութեանն 'ի Տաճարին Ս. Յարութեան, զորոյ զթարգմանութիւնն թողումք ընթեռնուլ 'ի զաշնագիրս Մէլիք Սալահատտինի:

Այսպէս Խալիֆայն Օմար երկրորդ յաջորդն Մահմեալի, տիրեաց Երուսաղէմի. նոյնպէս Պաղեստին եւ Եգիպտոս մտին ընդ լծով ծառայութեան Յաղթողին: Կրօնաւորքն Հայոց Երուսաղէմի թէպէտեւ զերծան աւ ժամն 'ի կրօ-